

## BASES DO CONCURSO DE DISFRACES XUVENIL E ADULTO ENTROIDO 2023

O Excmo. Concello de Cambados, a través da Concellaría de Cultura convoca o CONCURSO DE DISFRACES XUVENIL E ADULTO PARA O MARTES DE ENTROIDO 21 DE FEBREIRO DE 2023 ás 17.00h na Praza de Alfredo Brañas (en caso de choiva no Salón José Peña).

O concurso obxecto desta convocatoria rexerese polas seguintes bases:

### 1.- Obxecto.

1. As presentes bases teñen por obxecto a regulación da participación e concesión dos premios do Concurso de Disfraces Xuvenil e Adulto do Entroido 2023.

2. Este concurso rexerese polo establecido na presente convocatoria; na Lei 9/2007, de 13 de xuño, de Subvencións de Galicia; na Lei 38/2003, de 17 de novembro, Xeneral de Subvencións; no Regulamento Xeral da Lei de Subvencións aprobado por Real Decreto 886/2006, de 21 de xullo; na Lei 39/2015, de 1 de outubro, do Procedemento Administrativo Común das Administracións Públicas; no Real Decreto 130/2019, de 8 de marzo, polo que se regula a Base de Datos Nacional de Subvencións e a publicidade das subvencións e demais axudas públicas; na Ordenanza Xeral de Subvencións do Concello de Cambados (BOPPO nº 217 de 10 de novembro de 2004) e nas restantes normas de dereito administrativo que no seu caso sexan aplicables, e na súa falta, as normas de dereito privado.

### 2.-Aplicación orzamentaria.

Os gastos inherentes ao presente concurso por un total máximo de 1.050,00 euros se imputarán á aplicación 3380.48100 do orzamento de gastos.

### 3.- Concorrenza competitiva.

Os premios inherentes a este concurso se concederán en réxime de concorrenza competitiva, previo estudo e valoración por parte do xurado.

### 4.- Participantes.

1. Poderán tomar parte neste concurso todas as persoas físicas ou xurídicas, asociacións ou colectivos, sen máis limitacións cas impostas pola legalidade vixente.

2. En todo caso as persoas participantes deberán cumprir os seguintes requisitos:



- Non estar incurso en ningunha das prohibicións para ser beneficiario de subvención establecidas no artigo 13 da Lei 38/2003, de 17 de novembro, Xeneral de Subvención.
- Estar ao corrente das súas obrigas fiscais e tributarias coa Agencia Estatal de la Administración Tributaria, coa Axencia Tributaria de Galicia e co Concello de Cambados.
- Estar ao corrente, se fora o caso, das súas obrigas coa Seguridade Social.

## 5.- Publicación da convocatoria e prazo de presentación.

1. As inscricións poderán ser presentadas a partir do día seguinte da publicación do extracto da convocatoria no BOPPO na forma e termos previstos na Lei 38/2003, de 17 de novembro, Xeral de Subvencións, en relación coa Base de Datos Nacional de Subvencións.

2. A inscrición deberá facerse obrigatoriamente na Biblioteca Municipal Luís Rei, no modelo de inscrición normalizado (Anexo I), indicando:

- Indicación da modalidade na que se participa: Individual, Parella ou Grupo.
- Para a modalidade Individual: Nome, apelidos, DNI, enderezo e teléfono da persoa participante. Os menores de idade que participen no desfile deberán ser inscritos por un adulto, que actuará como representante e dita inscrición levará implícita a autorización por parte dos responsables dos menores.
- Para a modalidade Parella ou Grupo:
  - Nome, apelidos, DNI, enderezo e teléfono do representante (no caso de tratarse dun grupo informal e non unha asociación constituída).
  - Nome, CIF, enderezo e teléfono da Asociación (no caso de ser unha asociación legalmente constituída). Farase constar así mesmo o nome e DNI do representante da Asociación.

3.- Xunto coa instancia de inscrición deberá achegarse obrigatoriamente a seguinte documentación:

- Copia do DNI no caso de: persoa individual participante; representante dun menor; representante dun grupo informal.
- Copia do CIF da Asociación e copia do DNI do representante (no caso de ser unha asociación legalmente constituída).
- Declaración responsable de atoparse ao corrente das obrigas tributarias e da seguridade social, segundo impreso normalizado (Anexo II).

4.- O prazo de presentación da documentación rematará o venres 17 de febreiro ás 14:00h. As solicitudes recolleranse na biblioteca de luns a venres de 10.00h ás 20:30h e o sábado de 10.30h a 13.30h. Tamén, de xeito excepcional, abrirase un prazo de inscrición o martes 21 de febreiro, no lugar da realización do concurso, en horario de 16.30h a 17.00h. Os participantes deberán obrigatoriamente desfilar pola pasarela.

## 6.- Xurado.

1. O xurado valorará a orixinalidade do deseño, laboriosidade, creatividade, así como que toda a indumentaria e complementos garden relación co disfraz elixido e calquera outro motivo que poida considerar o xurado, coma a



interpretación dos personaxes representados. Na modalidade de grupos, ademais, terase en conta a unidade no disfrace do grupo e o grao de coordinación coa súa significación e composición.

2. Do actuado polo xurado levantarase a correspondente acta no modelo normalizado recollido no Anexo III de estas bases.

3. O fallo do xurado será inapelable, e este poderá resolver calquera cuestión non recollida nas presentes bases.

## 7.- Premios.

1.- Establécense os seguintes premios, ata un límite máximo de consignación orzamentaria de 1.050,00 euros que se imputará á aplicación 3380.48100:

- Dous premios ao mellor Disfrace Individual:
  - Xuvenil: un premio de 125€
  - Adulto: un premio de 125€
- Dous premios ao mellor Disfrace en Parella:
  - Xuvenil: un premio de 175€
  - Adulto: un premio de 175€
- Dous premios ao mellor Disfrace de Grupo:
  - Xuvenil: un premio de 225€
  - Adulto: un premio de 225€

*\*Consideraranse na categoría Xuvenil aos rapaces e rapazas de 12 a 17 anos cumpridos e Adultos de 18 anos cumpridos en diante.*

*\*Terán consideración de Grupo todos aqueles que contén cun mínimo 3 persoas.*

*\*Na categoría de grupos, nos casos nos que haxa adultos e mozos mesturados na unidade do disfrace, prevalecerá no concurso a categoría da maioría dos integrantes.*

*\*Presentarse ao mellor disfrace en modalidade Individual, Parella ou Grupo excluírá de poder presentarse en calquera das outras dúas modalidades.*

2.- A contía dos premios farase efectiva en vales de compra a trocar nos establecementos adheridos á Asociación Cambados Zona Centro.

## 8.- Concesión dos premios.

1. A entrega dos diplomas acreditativos dos premios así coma dos vales de compra, realizarase tras a decisión do xurado.

2. Ao remate do concurso e para poder trocar os vales dos premios será preciso que os gañadores, ou os seus representantes legais en caso de seren menores de idade ou grupos, cubran os documentos xustificativos pertinentes, presentando o seu DNI.



3. Unha vez trocados os vales de compra nos establecementos adheridos á Asociación Cambados Zona Centro deberá presentar no rexistro xeral do Concello a seguinte documentación para a aprobación e pago dos premios:

- Solicitud debidamente asinada polo titular do establecemento comercial.
- Documento de cesión do crédito debidamente asinada polo beneficiario do premio. (Anexo IV).
- Copia do documento xustificativo do gasto (factura ou factura simplificada).
- Copia do vale ou vales de compra obxecto da solicitude.
- Certificado de conta bancaria da persoa á que se cede o crédito.

4. O ingreso dos premios farase nos días posteriores a través de transferencia bancaria no número de conta aportado, unha vez sexa emitido informe proposta polo departamento de Cultura e adoptado acordo de concesión polo órgano competente.

5. O Acordo de concesión dos premios será publicado no taboleiro de anuncios do Concello de Cambados aloxado na sede electrónica municipal (<https://cambados.sedelectronica.gal>), aos efectos do disposto no artigo 26 da Lei 38/2003, do 17 de novembro, Xeneral de Subvencións e artigo 45.1.b) da Lei 39/2015, do 1 de outubro, de Procedemento Administrativo Común das Administracións Públicas. Do mesmo daráselle traslado á Base de Datos Nacional de Subvencións.

6. O acto de resolución da subvención esgota a vía administrativa. De acordo co que dispoñen os artigos 123 e 124 da Lei Lei 39/2015, do 1 de outubro, de Procedemento Administrativo Común das Administracións Públicas, contra a resolución poderase interpor un recurso potestativo de reposición, no prazo dun mes contado desde o día seguinte ao da recepción da notificación, ou directamente un recurso contencioso-administrativo, no prazo de dous meses, contados dende o día seguinte ao da recepción da notificación, nos termos recollidos na lexislación vixente.

## 9.- Compatibilidade con outras axudas.

Os presentes premios serán compatibles con outras subvencións, axudas, ingresos ou recursos para a mesma finalidade, procedentes de calquera Administración ou entes público ou privado, nacionais, da Unión Europea ou de Organismos internacionais.

## 10.- Aceptación.

A participación neste Concurso supón a plena aceptación das presentes bases e a conformidade coas decisións de Xurado. A organización resérvase o dereito a introducir, se o cre conveniente, as modificacións necesarias para o bo funcionamento do concurso. . En todo momento as persoas participantes deberán cumprir coas indicacións da organización.

## 11.- Norma final.



En todos aqueles aspectos que non se encontren expresamente contemplados nas presentes bases ou na normativa de aplicación o xurado queda facultado para a súa resolución, así como respecto de todas as cuestións que poidan suscitarse no desenvolvemento do concurso.

### 13. Entrada en vigor.

Estas Bases entrarán en vigor ao día seguinte da publicación dun extracto das mesmas no BOPPO (Boletín Oficial da Provincia de Pontevedra), unha vez rexistradas na Base de Datos Nacional de Subvencións (BDNS) estarán a disposición dos interesados, xunto a ficha de inscrición, na sede electrónica municipal (<https://cambados.sedelectronica.gal>).



## ANEXO I

### INSTANCIA DE INSCRIPCIÓN NO CONCURSO DE DISFRACES XUVENIL E ADULTO

D/D<sup>a</sup> \_\_\_\_\_, con DNI \_\_\_\_\_  
con domicilio en \_\_\_\_\_

\_\_\_\_\_ e teléfono nº \_\_\_\_\_

E, no seu caso, en representación do menor de idade

E, no seu caso, en representación do grupo / Asociación

con CIF \_\_\_\_\_ con domicilio en \_\_\_\_\_  
\_\_\_\_\_ e teléfono nº \_\_\_\_\_

#### SOLICITA

A participación no CONCURSO DE DISFRACES XUVENIL E ADULTO convocado polo Concello de Cambados, na modalidade de (*sinalar cunha x*):

Individual

Parella

Grupo

Achégase así mesmo a seguinte documentación:

- Copia do DNI no caso de: persoa individual participante; representante dun menor; representante dun grupo informal.
- Copia do CIF da Asociación e copia do DNI do representante (no caso de ser unha asociación legalmente constituída).
- Declaración responsable de atoparse ao corrente das obrigas tributarias e da seguridade social, segundo impreso normalizado (Anexo II).

En Cambados, a \_\_\_\_\_ de \_\_\_\_\_ de 2023

(Sinatura)

A entrega de presente instancia de inscrición cuberta, implica a aceptación das bases do concurso e a participación no mesmo conforme a elas.



## ANEXO II

### DECLARACIÓN RESPONSABLE

D/D<sup>a</sup> \_\_\_\_\_, con DNI \_\_\_\_\_  
con domicilio en \_\_\_\_\_  
\_\_\_\_\_ e teléfono nº \_\_\_\_\_  
en nome propio ou representación do grupo / Asociación  
\_\_\_\_\_ con CIF \_\_\_\_\_ con domicilio en  
\_\_\_\_\_ e teléfono nº \_\_\_\_\_

#### DECLARA RESPONSABLEMENTE

- Non estar incurso en ningunha das prohibicións para a obtención da condición de beneficiario que recolle o artigo 13 da Lei 38/20003 do 17 de novembro, Xeral de Subvencións.
- Estar ao corrente no cumprimento das obrigas tributarias coa Facenda Estatal, Autonómica, e coa Seguridade Social, e co Concello de Cambados.

E para que conste e xurda os efectos oportunos, asina a presente declaración.

En Cambados, a \_\_\_\_\_ de \_\_\_\_\_ de 2023

(Sinatura)



### ANEXO III

## ACTA DA ENTREGA DE PREMIOS DO CONCURSO DE DISFRACES XUVENIL E ADULTO

Reunidos en Cambados, ás ..... horas do día ..... de ..... de 2023, o Xurado do concurso, composto por:

- 
- 
- 
- 
- 

onde .....  
como ..... do Concello, actúa como Secretario/a, e unha vez rematado o certame, levántase acta dos clasificados/as, entregándoselles os diplomas dos premios, expostos nas bases do concurso, resultando:

Dous premios en vales de compra de Zona Centro ao mellor Disfrace Individual:

- Xuvenil: ..... premio 125 €
- Adulto: ..... premio 125 €

Dous premios en vales de compra de Zona Centro ao mellor Disfrace en Parella:

- Xuvenil: ..... premio 175 €
- Adulto: ..... premio 175 €

Dous premios en vales de compra de Zona Centro ao mellor Disfrace de Grupo:

- Xuvenil: ..... premio 225 €
- Adulto: ..... premio 225 €





A suma total dos vales de compra ascende a ....., e o responsable en funcións de Zona Centro asina a presente acta xunto co Concelleiro de Cultura e o Técnico de Cultura. Así mesmo cada galardoado/a asina unha ficha polo importe outorgado que se engade de forma anexa.

Ademais, de habelas, indícanse as seguintes incidencias .....

.....

.....

.....

.....

Levántase a presente Acta, en Cambados a ..... de ..... de 2023.

Sinaturas dos membros do xurado

Constantino Cordal

.....

Concelleiro de Cultura

Técnico de Cultura



## ANEXO IV

### FICHA DE BENEFICIARIO CONCURSO DE DISFRACES XUVENIL E ADULTO

D/D<sup>a</sup> \_\_\_\_\_, con DNI \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

E, no seu caso, en representación do menor de idade

E, no seu caso, en representación do grupo / Asociación

con CIF \_\_\_\_\_ con domicilio en \_\_\_\_\_ e teléfono nº \_\_\_\_\_

Resultou beneficiario dun premio por importe de \_\_\_\_\_ €, recibindo vales de compra nos establecementos adheridos á Asociación Cambados Zona Centro por este importe, pola participación no CONCURSO DE DISFRACES XUVENIL E ADULTO, celebrado en Cambados o día \_\_\_\_ de \_\_\_\_\_ de 2023.

Sinatura:

CONFORME, o Concelleiro de Cultura, Constantino Cordal

Asdo :

